

La pcd dat il start electoral

Cuss. fed. Doris Leuthard a Panaduz

■ (cp) **Ils 7 d'avust 2015 èsi uschè lunsch: La pcd dal Grischun dat il grond start a la campagna per las tschernas da quest atun en il cussegl nazional e dals stans. Organisà è quai vegnì da la pcd da Panaduz e dal chantun.**

Ils candidats per il cussegl nazional: *Martin Candinas* (fin uss), *Rabius*; deputà *Sepp Caluori*, Cuira; deputada *Silvia Casutt-Derungs*, Falera; deputà *Alessandro della Vedova*, Puschlav; deputà *Daniel Albertin*, Mon, sco era cuss. dals stans (fin uss) *Stefan Engler*, Surava, ed ils candidats e las candidatas da la pcd giuvna: *Corina Caluori*, suppleanta da deputada, Eigias/Landquart; deputà *René Epp*, Sedrun; *Caterina Ventrici*, advocata, Cuira; deputà *Tino Schneider*, Cuira, e *Melanie Janka*, che studegia ius, Sursaiassa, vegnan a metter in segn da durabladad. Ensemen cun cuss. fed. *Doris Leuthard*, che vegn extra per quella occurrenza da Berna, vegn igl alur mess plantas en il gaud a Panaduz.

Las finamiras

Il tema da la durabladad s'accorda fitg bain cun la politica da la pcd. I va tar

lezza per ina politica burgaisa ch'intenda schliaziuns e s'engascha per il stanmez e la famiglia.

Er è ella per fermas regiuns, attractiv lieus per l'economia e plazs da lavur, spezialmain en la gastronomia ed en il turissem, sco era per vischnancas fermas ed in modern lieu da scolaziun ed agricultura.

Il start uffizial per propi ha lieu en il gaud sper il «Blockhaus» davent da las 17.00. Candidatas e candidats vegnan a preschentar per l'emprima giada lur finamiras ed intents ed a lantschar la campagna electorala.

Cuss. fed. Doris Leuthard dilucidescha temas da la politica federala en in discurs cun cuss. dals stans Stefan Engler. Era giasts pon far dumondas. Suentar dat igl ina festa da famiglia da la pcd cun commembers, simpatisants e tut quels ch'èn interessads vid in ferm center politic.

La pcd è persuadida ch'ella vegn a daventar – cun ses enconuschents e motivads candidats e candidatas – la segunda ferma partida en il Grischun, quai ch'è era sia finamira per propi.